

INUIT ATAQATIGIIT

Inatsisartuni



UKA 2020/133
Agathe Fontain

Akilerartarnermut Atugarissaarnermullu Isumalioqatigiissitap akilerartarnermut atugarissaarnermullu immikkoortunut innersuussutaanik aallaaveqartumik aaqqissuusseqqinnernik suliaqarnernik aallartitsinissamik Naalakkersuisut peqquneqarnissaannut Inatsisartuni aalajangiiffigisassatut siunnersuut. Sulinissaq immikkoortunik ilanngussaq 1-mi taaneqartunik aallaaveqassaaq. Sulineq 2021 naatinngagu naammassineqareersimassaaq.

(Inatsisartunut ilaasortaq Múte B. Egede, Inuit Ataqatigiit)

Siunnersuuteqartoq Mute B. Egede qutsavigaarput, siunnersuut una aqqutsigalugu nalilersuisinnaatimmatigut.

Akilerartarnermut Atugarissarnermullu Isumalioqatigiissitaq suliakkerneqarnermini siunnersuusioqquneqarsimavoq, aallaavigeqquneqarlutik politikikkut kissaatigineqarmat inuunerissarnerup siuariartuinarnissaanik kissateqarneq, ukulu pingaarnertut sammeqquneqarsimallutik:

Innuttaasut atugarissaanerisa qaffatinnissaa

Pisinnaasat atornissannik periarfissiinissaq, iliniagaqarnissamut kajuminnerulernissaq, sulinikkullu imminut pilersornissamut periarfissaqarnissaq, taamaalilluni inuiaqatigiinnut pilersueqataaneq

Isertitatigut , inuuniarnikkullu assigiinnerulersitsiniarneq, inuiaqatigiinnut peqataasinnaanikkut

Isumaginninnikkut ikiorsiisinnaassuseq pitsaasoq, inuiaqatigiinnut sanngiinnerusunut, eqqugaanerusunullu sammititaq.

Erseqqissarneqarpoq, imaaliallaannagassaanngitsoq, piuminartuunanilu. Ersersinneqarpoq allannguinata ingerlaannarutta kingunissai qanoq ajortigisinnaasut.

Allannguinnissamulli piumassuseqaraanni pilersaarutit makkuussasut:

Naartuunermiit piaartumik iliuuseqarneq. Peruissagatta meeqqanik nukittuunik, iliniagaqarnissamut periarfissagissaartut, imminnut pilersornissanut nukittorsakkat

Isumaginninnikkut nalimmassaaneq, suliffeqarnerlu. Akilerartarnikkut eqaatsuunissaq, sulerusussutsimik pilersitsisoq.

Oqaatsillu tassaapput : Inuuniarnikkut pitsaassuseq, isumaginninneq nalimmattoq, imminut pilersorneq

Imaammat : Meeraaneq ajornartorsiorfiusup inernerisarmagu, atuarfimmi malinnaannginneq, taasuma kinguneraa iliniagaqanngitsoorneq, taasuma kinguneraa suliffissaaleqilersinnaaneq, kinguneranillu imigassamik ajornartorsiuteqarneq, aningaasarliorneq, tamakku kingunerisarmassuk ilaqutariinnikkut patajaatsuunnginneq.

Suliassagut ersarik, politikikkut suliaqartuugutta, angajoqqaajugutta, meeqqat atuarfianiittuugutta, utoqqaagutta, Akileraartarnikkut atugarissaarnikkullu isumaliutissiissutip ersarilluinnartumik, inuiaqatigiinni suliassagut pingaarnersiorsinnaasatsinnik siunnersuuteqarfigaatigut.

Naalackersuisut akissutaanni suliat suut ingerlareersimansut nalunaarutigaa. Suliat immineq ajoquteqanngikkaluartut, tulleriarinermi inuunerup ingerlaanerani, naartuunermiit aallartittumi qulaani taakkartukkanniit suliat annertusisamik pimoorunneqarnissaat taakkunani ersarinngilaq. Inuillu suliffeqartut pisariaqartitagut, amigaateqarfiginerat sulisunik ataavartunik pilersiniarnermik ersarissumik takusaqanngilagut.

Taamaattumik siunnersuuteqartup siunnersuutai, pinngitsooratit Holdbarhedsmodellemut ilanngunneqarnissaat, kissaatigalugu, ataatsimiititaliamut susasaqartumut ingerlateqqipparput.